



良齋先生薛常州浪語集卷第四

詩甲

近體五
十七首

誠臺春色四言

鳳闕西岡郎亭東乳惟竹猗猗誠臺有楚苔痕春綠
玉李晚風屏山坐對青葱數峰顏塙色弄又杏新紅
爭鮮競秀芳隨意遠各稱時宜自成深淺妙意誰傳
巨形罨畫羲皇晚生先天後卦江湖漲綠旋拍滄洲
晴嵐翠滴烟瘴悠悠篁鞭破蘚柳帶縈愁亦有江梅
花殘未落弄音好鳥笙簧度曲埴如瓦鼓幽獨是稱
兀坐頽然色荒無政新陽多感雷鼓轟天清淮咫尺

狼烽夕烟暮四朝三誰為第一不知其它且以永日

春江夕泛二首

短棹春江裏桃花流水生天高裝鏡淨岸遠碧山橫
落日無窮意丹霞逐旋明何時遂歸志一葉任縱橫
夕泛春江裏扁舟萬里心仰頭竟空碧疏樾成清音
浩志曷可遂歸懷詎能尋波隨亂山急意若流深日
落洲上霞葦生霧堆金重淵狎已貫飄風顧難禁崑
巒多李花冰霜積梅林為何縱松舟且以開吾襟迎
送未云已浮雲逐行吟

俞氏園林

茁茁桃與李生花故城山脩竹共娟好流水相往還
天遠岑可續人來心已閑殷紅間蒼白晚吹催潏潏
吾邑在何許滄波對重關煙霞蔽落日蕉葦深前灣
送客時一到遊人憶長慳高風怒濤作卷雪食餉間
官禁不可脫歸哉望爛斑

石門漁舍

漁家在何許躡駁岩下石花樹幾株芳湖山數峰碧
宏樽亭遠古雙闕天自闢錦綉入茨舍藤蘿封篁柵
吾為江上遊形苦世間役心馳定沙步舟行過簷隙
浪翁底鐫銘太尉此居宅豈若斯人徒風雲相主客

元夕

元夕不作會蓮燈相照明影光嚴鐵馬誰諫合金城
發策悶如醉中庭空自行月娥雲鏡暗樽酒為誰傾
時唐鄧邊報方急

月夜郊行

曠野久晴霽月娥添夜明光浮滄水白寒徹續衣清
頗復藍關意端為剡縣行灑然天宇內應不負平生

讀書三首寄景望

春秋

非復東都會書王春又春退風飛宗鷓遠狩獲西麟

孔志知安在幽詩難重陳焚香掩卷坐歌詠忽臣鄰

山海經

帝江無目面歌舞識成音形天斷厥首操干意岑崖
大化浩難量懸解在明心舒嘯東華上薰風五弦琴

韓文

退之強解事剛不信神仙所作古意詩甘心玉井蓮
沈疴痊不見險絕慟虛傳賴得華陰令聲書言豈然

遊竹陵善權洞二首

萬古英臺面雲泉響珮環練衣歸洞府澗水倒流入
香雨落人間蝶舞凝山魄花開想玉顏幾如禪觀適

左右起是首
應另行寫

遊鮑戲澄灣

寺過祝英臺宅唐昭義帥李蟪嘗見白龍出水洞而為雷雨今小水洞存雙魚

四足左右蝸蠻戰晨昏燕蝠爭九星寧曲照三洞獨

何營世事嗟興喪人情見死生阿誰能種玉還爾石

田耕山有三洞九斗壇故更寺觀者不一再有李後

田數十町奇絕

都場正月盡未見梅思雪中石門之遊作

千里春何晚三旬暎不回眼青暝縣柳粉白悶宮梅

麗水年時泛桃花雪裏開軒轅丘一夢懷往意悠哉

石門之上有軒轅之丘

謝客窮幽處仙宮隱薜蘿二峯我魏闕雙瀑瀉天河

猱猱橫應難致猿猴却患多雪中山更好淹歲定如何

猱橫皆出石門山中猱類猿而綠猱類狗而黃蓋猴屬之大者猱讀如廣殆所謂狼猱也猱字書音黃去

人作去聲呼之狼讀如朗

梅花

花實望先進英華標素王仙家號梅為花王竹籬眼

夜月風雪傲寒塘皎皎曾無對淒淒忽有香和羹須

鼎味盛服也霓裳

吳江放船至楓橋灣所謂越來溪也

短篷負長虹破巖掛明月風馬座中生天幕波中出

高城多隱映遠岫攬羅列少小泛吳江始識仙凡別

讀春秋有感

巧辯鷄三足曾窺豹兩斑鳳哀歌已過麟獲涕為潛
妄作南柯郡間爭左角蠻夢回無箇事風雨度前山

送士昭兄赴南外敦宗院二首

人道溫陵郡山川似洛陽懷兄尚淹滯敦族蹙翱翔
會見親先漢方期變有唐萬安秋夜月多稱古文章
憶昔南州去松根眺邑鄜烏啼雲裏樹人入洞中天
載陟今時路須航古渡船地窮巖嶮盡蚤晚濟平川

觀天德圖像二首

函封傳遠邊瞥見藁塔懸虎喙終為噉狼心約下賢

時無漢廷壽天奪晉符堅請決春秋事陳侯計豈然
鳴鏑心何悖投鞭計亦休傳聞廣陵散因作畔牢愁
淝水真同道黃池故不作見遺天授像看是郢支頭

傷淮帥時戰敗未識所在

浦淮天龍戰居巢塞馬歸陣傷軍背水機失寇踰淝
越石知何在虞君恨曷依都緣生過涉誰為斬何薇

袁口回棹有感

放舟谷里口乘流楚澤千鈞臺亦已墮大船寧長安
春渡亂山綠風回平水瀉何須問今古劫劫難為觀

白髮

浮生寧久客罷沐彈冠憤芳樹幾時紅童髮半莖白
千月浪翻濤百齡駒過隙多少少年人烏頭問華簪
樊口晨泛送程端卿

扁舟送歸客萬籟寂無風宿霧青郊暗卿雲碧嶺空
水清明去鷺天遠入征鴻日脚中流見妾蛇走白虹

寒溪堂有待

疎雨度西關寒溪亦厚顏風和沉白浪雲歛出青山
浩蕩鷗偏適翔飛鷺自閑可堪泥染鞅行客馬班班

元夜齋居

漢家傳舊事太乙祀中庭宮架崇喬嶽銀缸耀列星

九堦塵擾擾萬室火熒熒兀坐聞迂叟無人尚典刑

讀列女傳

一避先生席鏗然鼓瑟希功名憲紙薄聲色路塵微
大禮無通問清談浪解圍黨人狂斐甚猶有詠雩歸

讀骨鯁集

幾許興亡事全歸喜怒中鸛鳴非雨候花落任春風
龍馬符雖在檀槐戰已空未須悲麥秀王道有車攻
縣民訴事有以禪僧見況者

訟庭披訴者道我似禪僧不悟無生理安知最上乘
修行心懶慢溘睡日嘗騰說法還知否宰官非所能

士昭兄琴室

弄琴函文者無始到來今韶濩五弦上乾坤三古心
荷香流曲沼煙颯林寒林閔子罷傾聽何人知此音

無眠

丙夜不成寐可如心念家人情風上草身世眼中沙
宿鳥司更漏黃蜂集晚衙了忘官府事高枕是生涯
武昌射圃後山與江接走植柳竹方茂每為
民家羊群所斃日有馱場之事昔贊皇公以
祝雞翁自况走亦可謂牧羊兒矣

有欲即有累無營了無為且非割雞宰寧是牧羊兒

甲解木方遂苞屯芽定姜江山萬里道好去莫遲疑
乳鹿或得之近山既不可縱畜之更日而馴
走命之曰山友

駒鹿何年致它山小水濱呦呦興念母麇麇熟依人
物性初無定野心時亦馴故林迷町疇結友幸相親

乳貓

乳貓毛比雪赤服絮成衣扼鼠氣方盛食牛形但微
紛擘殊矍鑠上下擬騰飛幾許明眸子虧盈望日暉

芍藥

萃拔秀群芳花間得素玉牡丹紅樹色菡萏碧池香

融洩云何樂熙怡日是常問人伊謔事士女熟相安
殊亭

指掌視吳都遊人望已殊清江浮晚岸綠野漲春湖
我之泉明事誰為漫叟徒醉心尋古記始信不虛誣

寒食雨

風雨逢寒食天公涕亦潛柳眉顰綠髮花淚濕朱顏
貼嶠雲繡水藏舟霧障灣燒痕青已徧若箇子推山
客裏換春衣寒風帶雨霏羨班榆火禁初感塞鴻歸
柳絮鶯啼亂梨花蝶趁飛丘原壇祭耳悲念切更微

袁口舟行值雨

樊楚勞形甚將迎一逝流棹移驚立鳥帆遠亂浮漚
落木江皋樹依稀荻岸舟烏雲鳴雨急還我舊神遊

酴醾雨後

晚晚春闌雨酴醾花意秋雪飛香霰集龍鬪玉雲浮
外戶揚青眼中唐浪白頭夢回人不見心醉兀悠悠
玩世無心子成功不義侯升沉三躍浪聚散一浮漚
守郡官槐木王家夢彌髯團團天上月猶自由如鈎

榘花唐玉藥花介甫謂之場花魯直謂之山

榘武昌山中多有之其葉可供染事土人用

之釀酒

松綠吐瑤琨冷然郭外村仙人來玉蕊文士立山磬
芳澤留絲素風流付酒樽莫言瑒酷似香處不勝繁

春霖未濟澍雨大作

甚雨過清明侵淫不肯晴天古符後甲人意失先庚
陌路河隰上堦塘野草生早來雲陡黑流霽霄間成

書江表志

株守生財道基翻正國成周王方虎噬唐后獨牛耕
軍罷心忘戰民勞勢自傾誰知內史鉉求伴大夫平

夏日晝寢

至樂歸靈面棲神得睡香青奴涼自愜班友夢偏長

莫管黃梁熟何須綠醕嘗知他人世界若處有虞唐

夏口懷舊

夏口傷前事毛精淚暗垂白龜生不報黃鸝去無期
崩雪炎雲熾瓜田古岸移戰塵愁滿眼聊付一篇詩

寒溪寺拈香時國喪罷宴錫已三歲二首

社舞莫嫌娟當脩晉白蓮林稍開遠嶂花片落寒泉
鍾鼓鏗鏘甚松篁影帶如妍來本無象長老亦逃禪

寺無塑佛像主僧移律寺久矣昔者溪為虎如今突整烟萬松晨暉

滑九曲夏雲連畦町苗初實池塘滴尚涓潔齋朝五
日清淨樂三年要祝南山壽南山壽十千

朝衣結藍綬古剎禮青蓮
清綺絢林間樹瑋璇竹下泉
晨曦方散彩曉宿有餘妍
聚石應聞道無人為說禪
路回荒翳目江遠望生烟
略約溪源舊嶦顏嶺岫連
清神山厯厯洗耳澗涓涓
菩薩行觀世封人願祝年
更須東畝粟長穗滿三千

松溪早禾已秀

石榴花

國色宜炎夏宮裝染絳紗
蒼崖陸渾火朱景赤城霞
顏駐留瓊蕊丹成燕日華
東山舊遊處遙憶武陵家

福州東山有梅花洞武陵桃花源比也

自訟

學問非干祿宦遊端為負
生慙挽舡今羞殺採芝人
求牧知平陸無漿賣棘津
讀書心愧否何日是來春

讀李斯傳

上蔡游公子真情本自愚
五刑身具論七罪法當誅
逐兔縱牽狗亡秦效擊胡
明功與周召為問驪山徒

宿低寨遇雨

酣睡忽驚覺空牀秋氣清
四垂未雨脚萬壑漲灘聲
飛洒穿戎幕淒涼悵旅情
緹幢高臥者應更薄書生

至信陽宿蕭安撫寨蕭虜蔡將去歲

宿信陽者

左角語爭戰南柯聞大奔胡為控弦去猶有覆車存
行客應貪路邊城不閉門夜眼思往舊空淚濕床痕

別元可元亨

去矣鷓夷子片帆移夕陽意深三折臂情緒九回腸
風雨思無悔江湖道可忘死生猶暫別萬里未為長
縣有父子訟者走以魯人之法聽之喜其改
悔而作

父子本天性情緣私愛睽寧留今夕忍無作望思悲
克己歸仁禮回心即孝慈同年千古意聖相不吾欺
樊岡雨後彌望皆平蕪綠草無復花矣

候客樊岡道新晴致日佳萬般詩外意百種夢中花
蔓綠鋪平野江流巖漲沙無如石頭滑龍首榮新芽

良齋先生薛常州浪語集卷第四

良齋先生薛常州浪語集卷第五

詩乙近體詩七
十一首

漁父二首

蹤踪五湖浪生涯千尺綸是非寧入耳榮辱不關身
獵獵菰蒲暮淒淒浦溆春何時共蓑笠和雨釣青蘋
紅蓼白蘋岸清風江月明萬波千尺動四海一漚輕
濁酒醉獨酌鮮魚飢旋烹興來歌款乃烟雨過前汀

筠鄉新筍

根節凌槐夏風霜閱草春此君椽筆健稚子錦綉新
有待瞻淇興行將滿渭濱狂鞭任奔迸我不是饒人

白菊

不着金縷衣寒窗弄明月端宜裝淡泊自是香蓬薛
其味真可人風流到華髮試為問東籬定得淵明骨

丁香花

別是南州種寒花七里香鄂人號玉筍駢寶髻金粟

綴銀璫自得山林趣不為世時裝紫霞休聘聘瑞未及

野梅芳

立春

誰得東君信風生十萬家土牛占穀麥灰律動蕪葭

嫩綠萌芳蕊新紅茁綻芽未能都免俗春勝插春花

雪

怪得寒風瘦窗明積漸加起來裘潑水逆視竹生花

厚兒兒紛群品新裝副六珈飄零飛落葉轉動絞回車

無定從高下忘形變適遐郊垌鋪毳罽砌撒江沙

灑壁侵修飾填坑旋不窪屋頭昂怪獸山脊走長蛇

萬木枝都亞中庭石盡遮獅符蹲陡踞龍井噴增呀

撲面輕盈甚裝衣點綴斜礎閑開匣鏡碑小插梳牙

同色連千里虛光合萬家壓災時世重為瑞老農誇

勢極雲天際威凌凍水涯四兜坡嶠岵條突樹牙槎

客子衣裳怯王孫酒力奢影浮垂綉幌香帶落梅花

麓籟知神女門屯想夜叉未能三十韻旋淪試烹茶

郊迎趙漕

叱御逆軺車愁先負弩驅虎頭晴在望羊角淖盈途
草莽迷行跡湖山出畫圖傷今又懷古坐睡覺吳歎

傳聞北虜請和

會稽^計吳功薄夫椒越報深漢驅胡遠遁周任狄未侵
賴是佛狸死何當頡利禽請和君信否無故莫容心

梅雨

霖霖雨黃梅凝雲縮不開心知養苗稼眼見長莓苔
密篋幾如清崇壟勢欲墮鬱蒸任炎熱誰鮮酌金罍

遊飛霞洞

橫塘富花柳杳杳鏡中行樓觀朱涵壁洞天珉掩闕
林深暮雲合地僻夏寒生康樂屏巖靜鳴榔時一聲

龍翔寺

二江涵古寺雙嶼聳屏沙翠浪環流淨金城到眼奢
水光搖殿閣塔景動龍蛇不減蓬壺意屯雲未許遮

酬張縣尉

久客多塵滓心懷為子開文知龍有種名苦雉為媒
但得貧無繫何嗟去不來吳門衆多士待爾和羹梅

元夕憶世母三八母生日

蒼天毒我生顧復自孩嬰元夜維此夢三山壽筭傾
星球明烜赫鼇島峻崢嶸樂事都如夢傷心母道情

拒霜花

蘸染木芙蓉深紅間淺紅錦籠烘夕照翠袖揖秋風
艷冶歸尤物淒涼識化工拒霜高節在丹藥謾成叢

早行

旅枕罷殘夢明星懸屋椽下辭風露冷欲了東西緣
雲馭方擎日月輪猶印天波波定何事羞死地行仙

天陰

梅月乍開霽油雲開卷舒溢光穿隙日浮棧出清虛

鼓吹蛙聲亂笙簧竹影疎雨來三四點靜覺打蘧蔭

告歸郡不得請倦於將迎之勞

閒居百不憂何事武昌遊旦旦三江口時時十里頭
箇中都是妄此外竟何求生被浮名累將迎卒未休

味爽寒溪送客

攀援長者車味爽臨汀沙片玉山銜水堆金日醮霞
風來雲外嶺露重竹間花好景看如客心閒即是家

二十三日送客寒溪還視邑事食時過節推

周文猶高卧未起惺然嗟羨以詩戲之

驚起周公夢且竿日倍高被羶吟不用州縣職徒勞

脂轄驅郵置金車困賊曹幾如陳處士龍臥楚江臯

夏日江濱

鳥迹鋪天篆金波漾日沙鷺拳巖積雪風勻浪飛花
江斷客帆入岸回山影斜峯雲青溪漢略約二三家
聞黃仲益雲夢辟書報命

三府書交上羣公座盡傾量包雲夢嶺名動洛陽城
雞肋刀烏用牛腰軸定盈江南望江北無可贈梅英

讀蕭銑傳

不假成田勢寧堪麥秀悲青檀梁舊物赤幟漢威儀
剛被農家誤俄推鼎祚移江湖百郡地只自黍離離

讀九國志悶書

吊古因紬卷傷神却皺眉蜂房開自牖蟻穴潰成堤
不苦南風競長懷北馬悲陽曦曜星月還有餞西時

被甲

儒服便章甫戎裝乍鐵衣幾曾生共樂猶有死同歸
着屨惟何甚乘車未遽非愧酬軍旅問先見少知幾

曾陽回棹

沔曲回棹棹驚飛羨水禽波紋鈔隱見山影浪浮沉
色動蘆花雪光搖日脚金扁舟歸未得惆悵五湖心

讀三國志

左角蠻攻觸南柯檀伐檀徘徊記名字人物委塵埃
錦里昔曾到樊川今此來遺風不可見觀古意悠哉

讀史

信乃曾等伍宏與滔比肩饗士未為過出跨真能賢
物外體三極環中無二天傷哉千古恨顰蹙陳編
乍落回路得家書是夕有歸夢

夢入江南路依然識舊廬家人話生計兒子督程書
繚繞俗緣在纏綿習氣餘金雞驚悟我安問未為疎

三月七日按雲陂莊還宿舊州寺懷松楸作
不學老農稼而為田舍翁劬勞方軫慮定集竟何功

心惻君蒿氣時寒疾甚風年時尚壇祭廢絕意發窮

山舍三首

鬚髻依蠻室林端鳥道縈煙疑雲異色松接澗同聲
樹古龍蛇蚺巖魄虎豹寧野花舞狂蝶栩栩夢莊生
塢閣屠蘇小竒峰疊翠屏若頭通鳥跡山脊走龍形
峽斷風偏勁林幽天欲冥流泉不知處虛谷響泠泠
寂寞無塵事茅茨秀嶺連密蘿蒙灌木亂石隱流泉
蟬噪雲間樹鳥飛山外天孤雲自明滅應達主人玄

觀碁

戰伐徒形似死生俱安為爭先明有法當局自成迷

多莫非關劫成功定出奇兩情深海若不比看人知

昇仙寺三寺賦

羽翼假真仙飛來秀嶺巔道高還自正境寂若為禪
寓目山如礪昂頭浪拍天闔城多少地幕歷帶平煙

丙子歲春

物極雖云反寒威何太衰東風入簾幕生意滿林哇
古木含新綠仙葩吐舊枝陰晴苦不定中夜忍聞櫬

江行即事

春信潮聲急滔滔掩岸沙客船離浦淑漁笛起蒹葭
盪槳水光碎轉山帆影斜篙工指烟樹依約有人家

雪銷

旬浹雨銀花山林盡綺羅東風雲氣減南紀日光和
皓皓污應易涓涓滴轉多冰生又冰釋天道竟如何

讀大定書詔

竊國盜仁義驚人新見聞腥羶冠冕俗穢雜犬羊群
益獲尚七縱匈奴非五分啟民生雜草為有鴈門軍

誠臺雪望懷子都五首

不見子都子誠臺一壯觀爛開梅骨峭高聳玉峰寒
誰共雲霄目詩亡錦繡肝夢魂千里道應更酒腸寬
故人一相遇七返霰瀼瀼辭采應奇甚顛狂即在不

尋思落帽帽乘興錦官遊皎皎誠臺暮詩腸獨自搜
白也今良嗣千年壁一雙文思泉漱石色照月明窗
樸椒空樊渚飄零遠漢江此情誰與度木介響琤琮
狂遊失可人萍聚我和君千里共明月幾山空白雲
擊鷗飛墮毳爵雪冷冰銀百歲無多子離居困索群
李性剛直同
官目為鷗李
掩脛誠臺雪吟頭祇自昂梅花開嶺路冰玉皺池塘
良馬日千里美人天一方尺書不可寄道義兩相忘

和賈簿

官冷君休歎浮名陌路車冰山逆燠泮豆粥併寒除

但酌樽中酒從堆架上書未酬題柱志終不羨相如

忌日雪

荼毒惟何甚同時失所天哀傷逢此日懷抱憶初年
白雪明心素青松黯墓埏不堪陳几席罪罟欲誰寬

大雪

江市彌旬雪人行失舊蹤梅藏香骨瘦冰結浪花重
髣髴門前柳昏迷郭外峰屋簷天漢在一雁沒清空

喜雨

麥穗雖乾耳秧苗未吐心正須雲撥墨生怕日流金
氣鬱山堂潤風回竹徑陰稱人三四點爭道即為霖

春老寒雨醱醑竟爛
無定若遊絲神人薦玉衣飄搖思遠舉婀娜怯空歸
曉色檀心重春寒酒力微牽腸無柳眼香絮雪花飛

讀史

閑是等閑非沉迷不自知黃梁一夜夢白雪教人詩
身後輸杯酒生前對局碁幾多亡國恨窻几靜楮願

延陵感懷

延陵七春夢悲切意更微頗復吳牛喘還多代馬依
去來紛混沌今昨是非非况在遼東鶴千年方始歸

雪霽和智叔次諸郎曹韻二首

風洗朔雲靜愁蠲淚眼睛夜闌灰亦冷目眩室生明
客子遠鄉巷天公偏世情布衾寒潑水墜葉也心驚
同雲起飛絮忽作無意情夢破客愁絕魂銷天夜明
聞雞悲壯節哀鴈切鄉情夜靜群動息空牀時自驚

元日

鳳曆回龍紀義和御物新崎嶇萬里道牢落五年春
羈客聞哀雁傷懷念昔人米盞能幾許還自不由身

夢回二首

憶到梯雲巷哀陽鞞鄂叢舞鸞悲引鏡傷鴈落空弓
清夢回時雨繁聲發夏蟲情鍾正吾輩匡坐泣薰風

梯雲走
家坊名

吾宗鮮兄弟何事日飄零凋落皆鷓鴣相從謝鶴鷄
世緣那可了魂夢也非寧屈指傷心事端如欲曙星

鄉思

達仕祖千石虛名酒五經豈能千日醉未勝九年耕
識取杯中趣知從袋裏來讀書無一事官宦泪平生

食寒二首

異縣臨寒食為情覺大難煮蒿五精氣破散六祠壇
墮淚紛朝雨回腸減夜餐誰家簫鼓咽懽舞欲嬰珊
五歲懷歸夢言歸已得歸未能逃俗繫旋復着征衣

子貢當何戰燕人切自悲無堪一百五春雨作霖微

感事

狐死正丘首鳶飛翰戾天乃如司馬晉不若慕容燕
濟亂須人傑投機乃世賢長江千古恨南北幾陳編

鷓鴣

雞賦滄江外雌雄萬里心浪花浮彩翠烟雨弄清音
蓼岸無端艷蓮塘底處尋鴛鴦誰着色知誤幾金針

讀邨報二首

捷大漠烟塵靜三公計畫奇定安唐廟貌行復漢官儀
捷奏騰千里除書滿四維自然禽韻利蚤晚贊無為

世味刀頭蜜人情屋上烏榮華葉子格升黜選仙圖
豺祭知生獸地銜欲報珠不將魂夢到反是憶尊鱸

九月十日菊

不改天香細無端人意疎重陽把盃者今夕尚來與
白羽搖依舊黃裳笑反初知時自凡俗冷煖欲為如

夜間提音

圓覺聲聞夜蒙頭大比丘上功來幕府如用復東周
行即昇平舊還從汗漫遊憑誰問淮蔡元濟莫擒不

悶成

春鳥弄輕微凝陰滿院飛蚕姑云力作杜宇不如歸

世變知音少人亡解語希汗顏多反反濺淚濕單衣

春陰

讀王黃州
小畜集

春晝閣春愁無情若隱憂柔腸牽柳眼困淚點花頭
不放春風度從教暮雨休哀憐無限意小畜閔黃州

燈花

自得天然艷書窗氣吐虹有心惟燭物無種到施工
不啻三春候平分兩曜功報人知喜事誰辨悉歸空

送鄭景望赴國子丞詩二首并序

淵之江渾但漫聲平而委長有山焉截乎江之口其潮
也尾閭盈而瀆瀑海水溢而羣飛回江之波倒流而

反觸於山其濤怒衝乎渾其波激委之至也遠其為
憤也湍崩騰洶洶洄瀾藏昂驟感而軒乍旋而入貯
盈淵谷前無高岬一川矗立突如來如屹如銀山轟
如陳馬轟如雷鼓激如搏鵬子胥奮躍于濤頭文種
昌揚其暗浪雖共工氏補不周之柱左伯母彈恒山
之目拔山如項羽驅石若始皇未足以擬其壯天河
裂龍門發吕梁洩汾防決淮隄撤猶不得形模其彷彿也操舟者逆而取之順而方之呼吸之中恬然已
無事矣濤之力也有既故吳兒可狎而弄其去也有
時故行人可厲而涉走嘗聞諸濱江之老叟曰江之

產有煩苛其涉有隘沙煩苛豸也蠓螿比也形如飄
瓦呀吻衆多狎者遭焉則着身而不寘沙之雜也多
淖則人之履踐不實涉者俄而陷溺則僵為汐之濫
君子者曰操舟者子其神乎憑乎虛舟凌乎巨浪逆
而取之不害其為正順而方之不害吾之止故雖濤
水掀天而吾不為之蕩橫流溢壑而吾不為之撓持
危涉險亶默而成之其眎涉者吳兒為有全安之數
矣子鄭子一鄉之望其赴國子丞也固當為時世用
鄉人又將儀之夫國子清官子鄭子和而不流者也
既清且和利用安身而崇德矣其行也必將問津於

浙走期之以舟楫之利琢詩為贈且序臨沙煩苛之
說所聞於父老者而冠諸篇端
風喜檣鳥順知難喚酒杯好溪寒已半京洛暖應回
僧舍方飄雪江籬欲放梅不須愁國步之子棟梁材
愜我論交晚何堪又索居朝陽鳴必鳳清水察無魚
百惱愁成斛羣疑鬼載車否臧亡可道贏得腹詩書

大市鷓鴣未詳

良齋先生薛常州浪語集卷第五

良齋先生薛常州浪語集卷第六

詩丙古風詩四
風九首

送鄭景元赴秀州判官詩并序

走歸自武昌始獲交於景望景元昆季二鄭兄弟不
以我之無似不肖與之友居之相遠也相從之日少
志之相得也相與之意深居數年景望召為國子丞
又兩踰時景元赴由拳從事走素寡合起大市鷓鴣
之嘆於景元之行也贈以詩而序其意聞之君子送
人以言眾人以財走雖小人樂為君子之事方浩浩
之會走雖以天而免秋田粒食悉漂泛於洪波既無

財以贖公之行不可抗手而別以言為贈猶不害於人情景元既高於才又果於志喜竟其說人不知亦饒饒固賢人君子之心非處世之道也古之人教其子者有曰女戒勿為善曰然則惡之為乎曰善不可為惡將安取有佛學者弟子禮其神像而師杖而起之弟子者曰禮佛亦好事也為師者曰好事不如無世衰道微士鮮中庸之行其從政者非違道以千百姓之譽則拂百姓以從己之欲要譽者不欲人之加諸己也窮欲者甚惡人形迹已也此人之常情幕府之官無曹局之分也從容賓主之間其處此亦難矣

非無心於為善寧無二者之猜乎魯人謂孔子東家立舍者與楊子居爭席威德之至不如是不足以有行也走欲景元事其上官其賢於人者約之於道否則闢其小者以求全其大者掩覆吾迹無為為善以近名聰明睿哲而將之以愚亦充之爾耳景元固無施不可此烏發軔庶乎其善始也以景元之敏於行千里之外能無從此言乎景元景元願不以人廢言也乾道三年四月二十七日友生薛某

恢矣煽炎毒萬里無來風殿閣少微涼况乃陌路中
紈扇可把揮秋高網絲蟲冰山豈足恃見睨聿消融

進退信維谷黃塵奈恣恣鄭君冰雪姿千將倚崆峒
竭蹶救頭然巾車佐元戎生人在熾炭吾何憚燼隆
往聞開元帝逃暑繡嶺宮偏及政浩歎木陰見姚崇
煩滹頓以銷語識靜勝工相期在此行山泉養童蒙
此下可 兄子象先罷公試歸知武林動靜成古風三

首

黃庭有真詣魂升魄入淵知機動以食還反道自然
嘗聞鍊色石可用補蒼天時哉復時哉寧教悔在前
野鶴入鷄羣猿豈王孫輩之人定忘物未足言身世
丹山兩鳳皇為誰來熾熾靈囷發與盼可以卜隆殺

明珠以彈雀得雀亦亡珠颺鷺以當鷹夫豈獵之徒
黃金有定價韞櫝盍藏諸薰風扇餘涼吾方愛吾廬

元夜齋居

元夜憶年時忘情居瀨瀨縣齋今夕居曷謂傷懷抱
都緣人事非不足年時好世母舍我歸屈指憂吾老
人亡不可見此心為草草大人月云忘弃我方兒祿
呱呱救嬰泣安知請丘禱諸父洎諸兄下世吁何早
悲傷失所持時涕淚流行潦哀思動時節不見蓮燈好
鄉居計日長松楸倩誰掃諸母侍何期念舊呼穹昊

春雨

春雨不知止新晴旋復陰
霏霏散秋毫虛簷水鳴琴
琤琮響疎窻庭除有餘音
起步莫可縱蒼苔看侵淫
縣齋知幾秋中堂陋相尋
涓涓澣人衣黯黯之勝襟
發策漫如清明眸暗沉
吟儵然薄雲開風聲到園林
坐覺筠篁穿羅鞭聚脩森
巾車過坊市溝渠漲江潯
言歸轉通渠舉頭見西岑
峰青霧銜白何堪送迎心

春江小雨

小雨春風裏澄江滿漲痕
沙平波渺渺山遠霧昏昏
短棹煙塵細浮雲天地根
將迎倦無已羞目舊杯樽

春雨

春光不滿百霧六旬強
眠蚕老脫殼穉麥青已黃
轉雲密可厭慘澹空滄茫
銅盤旦日出障愁彼天一方
寒族歎巧婦縫蛾會飛七豐隆
况忱祠離畢占是常
唐午直友申此意未遽央
使客困羈役行留兩亡羊

雨中鶴唳

陰靄結愁思秋霖政霑澍
何天唳鳴鶴嘹唳烏雲路
九臯聲甚遠底處披冥霧
定知君子化不作乘軒汗
介蟻六王師櫛沐方暴露
芻輓苦不繼曷保金盃湯
固塗泥困沒論無計開樊笈
傷古聽華亭吾心向誰布

忱祠經誤

友字物保

種蘭

卷之六

四

蘭生林樾間清芬倍幽遠野人坐官曹茲意極不淺
西窗蔽斜日松釵架春晚墻陰時花木憔悴根日損
植此山谷香坐與前事反扶疎可紉佩心緒端有本
芽生僅盈壇高風成九畹羣芳顏色好祇自誇園苑
何如淡嚼臘草芥曾誰混對我畫無庸忘形知芥葷

讀東坡和靖節詩

我讀淵明詩頗識詩外意坡公繼逸響箇中有佳思
取友百世上古來獨二士陶固泉石人蘇則廊廟器
出處了無同聲名都自異往者不可作矧復通姓字
神交定忘形飲食尚知味藁賓中聲律片鐵猶應類

茲文在尼父為復昌旦事今時道古語莫作今世視
以我思惟心克彼剛大氣芥子納須彌誰信略相似

欣木亭詩

某適宛陵始識林君擇之用中於鄭景望
司馬之館察其為人肅恭謹敬學而篤志
者也出其家欣木亭詩冠以晦菴南軒三
山三先生之作索和甚苦金玉其音難予
下理之繼黽勉次晦菴韻其不知量甚矣
寒威折青陽雲雨作朝暮槎芽粲新綠寂歷晴川樹
時至物皆春豈在雲間露之人予亭上笑歌誰與晤

睽此榮與華我亦知嘉禰來游對溪山識取亭中趣

早起次叔瞻韻

日高正好眠披衣意何已不得戀黃紬髻頭非所喜
厭汜行露多忘却佳山水有客愛閒居被髮吟早起
神清到天元靜極照物始公乎尚何其我亦偶然耳
此事叵立談剝剝自鳴指動息無端環生人定一理

聞競渡聲

江頭鬧金鉦競渡記時序欲弔大夫鬼正則知何許
情緣古今隔況是都無楚悲歌永為戲極溺憑誰語
曰我舊家鄉湖上人如堵船戰習成風迎神尚投黍

家居內忘物廢聽何城阻風聞不貳事借問為情緒

冬至和煥醪醑有華

我愛醪醑花爛熳春歸後熏為美人佩韻勝青州酒
澄澗落霜霰搖曳欹風柳別來能幾時夢寐依三后
一綫長新陽萬木新雕朽佳期尚云遠盛意胡偏厚
秀色笑江梅遊絲入窗牖遙知此策者為瑞朝中否
銀蟾待交映天上彤雲久金樽但高酌身外閑愁剖
休言桃李花常暘又何咎

刈蘭

東畹刈真香靜院簪瓶水高遠不勝情時逐微風起

和雨剪閑庭誰作騷人語記得舊家山香來無覓處

石盆

髯翁久埋沒歲月來成奔當年膾處齋魚白徒形存
想方高會時猛士伴雲屯連鰲覬一釣欲以大口吞
尺鯽挫紅雪烹葵值蘭蓀王餘弃玉食銀刀亂河沅
墮臺不禁醉網漏如鯨鯢座中盡羣彥人亡失叢墻
吾遊懷此都重到郭外村聊與廣武歎袞袞受辛盆
顏然鳳凰臺路走臨津門催歸起人馬誰念古帝魂
愁無有力者宸樽負雲根斯烏共杯飲垂綸且盤飧

富文忠公北使與主客儷句
以一大口吞對其竹一十竿

止齋和七五兄次淵明止酒詩韻

知止良獨艱吾兄獨安止不止郊園外只止塵埃裏
修為止至善孝愛止為子眷言兄止之得止以為喜
至止內泓澄非心止弗起止靜有餘歡止中得妙理
勿謂止為難止躬徒正已止乎吾未見致知知吾止
兄乎止孰似兄止無端淡艮止視兼山止斯千萬祀

重陽無菊

二九節重陽高峰振羣木彼菊東籬下金英粲清馥
中有黃裳美雅稱清人服歲早靡百草芽蘗渠能育
冷淡登高會悵望矧可復空酌茱萸酒帽墮慵舉目

愧乏淵明沉誠為淵明縮借使淵明在淵明更悽感

九月猶煖梅桂有華

兩雄木不並時丹芍彼春芳同仁乃一視梅桂華秋暘

梅固冰玉姿桂不世時璩裝永言異會遇相從多異香

肩辟寒金磊落明夜光仙人姑射山墨允期首陽神

寒際道義語默何曾常

患盜

盜賞自孤鄉布亡由令尹政刃可同形殺人左同殞

吾非古之徒處世良不盡仁義一遠廬身心兩矛盾

坐使邑中民嗷嗷困欺窘劫質與穿窬公行載歸袖

道路視秦越對此獨何忍刑德歎誰施茫洋空內慙

仲尼有佳對為發一笑鞭

又元和元可二篇

陽春倡者誰欲初心已闕故鄉渺千里念之一辛酸人

生足離合豈在共盤飧胡然兒女情苟留太無端焉

得不繫舟使我懷抱寬信美非吾家會且即所安後

園桃李秋蕪徑草木繁酒來輒竟醉歌強難為歡風

雨打寒食枯河盡瀰漫故之猜嫌累誰能整其冠惟

當適意爾曷貴品極官晉賢泣楚囚衛女賦竹竿願

君憫羈思所友路何曼歸哉昔在陳孔聖之體胖幸

非艱棘徒亦復謝樂樂
春風動鄉情燈火語夜闌遙聞流星遞鈴響接悲酸
愁人念世事臨食或忘飡我有無價珠可以息爭端
致君昭代隆坐使北顧寬何當內修治適服遠自安
呢呢兒女子青蠅語喧繁長懷不盡憂可若一笑歡
有酒且強醉莫等白露漫汾陽脫兜鍪高祖溺儒冠
此意詎未央抱關樂界官匡牀足酣眠紅日出三竿
睽言東甌道未歸路曼非用徒爾為寂默體用胖天
地一大家中庭樹樂樂

得符速走之官

我本樂閑人自得安閑志鄙性習疎散誰識榮華意
竭來復舊廬喜獲平生志稼穡任佃夫家室歸中饋
中外若非我卒歲無他事飽飯讀詩書夢騰時困睡
嘲啁燕雀懼鴻鵠心應異三皇竟何物况復今官寺
寒餒鶴妻孥先春輸典質茲乃不可常為負求祿仕
版一書名野情那得遂官來促我裝去作塵埃吏無
復有消搖真為口腹累把版從此行短褐隨奔真素
飡良不堪邑有民人寄衆心險山川道微非所暨上
恐負朝家終念家聲墜吾民政焦嗷為此不能寐格
物可為邦舊說今難試泥古誠腐儒惟此知為治仁

義舍不為又敢圖與利上官如我容刑章得就易庶
以遂其生將久蘇疲瘁此意尚茫然思之或狂悖

雞賦

雞賦何翩翩鎮日煙波裏將奈因何羅幽閑從此始
一羨美人玩毛羽慵復理江湖浩蕩意憔悴蹄泔水
昔是滄溟遊今是樊笈底文章豈是貴步武難無已
大夫感茲念心逐冥鴻起

社後即事

東君識歸意社雨零齊沐柳眼向人青草芽隨地綠
體輕來燕疾聲合鳴蛙蠹桃李靜無言艷麗驚郎目

西山野步

雨夏作晴天浮雲帶溶洩西山旦驅馬踏破蒼崖翠
寒泉漲新綠泱泱鳴環佩上有吳郊時九曲羊腸細
築閣聽松風縹緲江無際野僧喜來一見心已醉竹
萌薦飧玉切琅玕碎吟哦壁間詩恍與古人對時發
一笑粲韶聞殆忘味清遊淡何營不知夕將至岸中
步箬谷欲往叵自遂酌此菩薩泉為澣濯惡世

陳思王

喬松產崇岳託迹大高亢飄搖風雪場踞局蛟龍狀
干霄竟何事勁節良獨壯下有楸桐秀遠入烟霞望

天意固有在人情亦云妄苦之桑苗陰直傲清霜重
居然嗟彼其坐使出其上至哉文身子三以天下讓
步抵東坡登舟返石門

為到西陽城侘傺東坡上舊址就荒蕪山川寫心匠
四見聳高寒周遭畫屏障萬象儼朝昏出沒烟霞狀
玄覽浩無崖不覺滄溟漲吾行半南州此遊誠大壯
寸陰良可惜無奈歸舡舫隕然快哉亭昔夢今知妄
吳都一回撓杯飲窪樽浪石門隱漁舍行復殊亭初
扣蜀兩端倪便可齊得喪

邊事方急有中使至雨中出郊候之

蔣城秋信

霧雨閣天愁胡笳聞人耳不見霍驃票姚搖只見黃塵起
蔣城何岩嶢橫流混淮水教戰關市人旋柵荒殘壘
甲道軒脩竹亭觀羅弓矢長城萬里壤衣帶江誰恃
索隄道左立一介來行使束帶督郵淵明尚深耻
春陰會聞懸瓠不守

飄風吹百花仰不見天幕浮雲何慘慘去我止一握
園樹暗無色紅芳旋凋落摘索晚來雨如絲度城郭
愁人故多情對此乃非樂羽書絳囊馳傷春重沈着
方錫若涇陽龍吟怨清角歸飛內提提紇真問生雀

雪蛆

冷冷雪中蛆皎皎夏之日藉彼凌厲地生此柔脆質
冰山共攸遠玉筋無定匹安識時有暑但保歲云漂
中和歎何居已熱信所必火鼠可澤浣朝菌寧晚出
伯翳謂更名山經注遺逸

新作殊亭

虎將夏中時旋復怡亭址茅茨覆采椽樸拙亦可喜
建斗五移杓殊亭更釋子規摹雖少華不陋復不侈
元碑碎俗令遺集衰空紙縱步此山椒金聲猶屬耳
舊亭苦弗稱新亭直殊美書文兩奇絕蹤蹟存布指
古人久不見今人尚殊此能知古今意元始本無始

又讀陶靖節詩命次前韻效其體

濁酒自傾盡陶然忘古今橫琴寄逸響聊以寫我心
矯矯兩告鵠盤旋下曾林此情誰與傳無絃有遺音
萬籟夕已息寧知身是今浮雲翳青空油然起無心
寄傲北窗下驟雨落疎林遊子為三歎寥寥希太音

開渠

開渠引簷溜涓涓遠茅楹政爾江湖流鏘如環佩聲
澄瀾漾淪漪曲發隨淺清上有翔飛蚘無殊化搏鵬
廣狹詎易量大小終強名何從汎天潢同歸在寰瀛
吾慚論齊物揚波歎平生

瓜期代者不至

禽飛有倦時木落還遶遯薄遊名利場厭見陌路塵
指日得終愛情難重陳如此代者何不至愁傷人

代者介至

縣道簡書密束身急於繩沉復多難時勾奴亟憑陵
憂危內外競凜若憑春冰鞭笞苦不痛何郵寡與矜
初心豈得在反身但兢兢安得事大好官籍知有承
屈指計來月瓜期閏云增彼乃未易到吾行重難能
百里半九十終更詎階升社雨晚來急春霧夢夢
清淮萬胡馬咫尺方沸騰暮年念天遠歸飛恨無翻

慙慙謂典吏用之筆絨滕

袁山春望

密雨作春社袁山暫登臨迎人多野花對鏡諧道心
于以今日態而開去年蘇平沙沒浩蕩漲水相浮沉
草綠湖萬頃岑青天一尋無情雲自閑此理吾難任
故壘雉明玉寒溪疊重岑竭來聽流泉可用資鳴琴
新霽石磴滑崩波馬蹄吟不知日已暮迂回樹生陰
歸路尚修阻時哉羨靈禽

重陽馬上看菊

秋菊粲真色落若干金卮對此好時序馨香散幽竒

爛爛在伊昔邂逅不可期
吾來倦逢迎玄黃馬常馳
二子復何事相從意熙熙
奔走塵埃間一見感我眉
嚮之念佳賞慙顏朵人願

浮槎

浮槎爾喬木來從何處村
託迹久非地湍水撞其根
一辭古岸頭去去隨潺湲
上有飛鷺翔下有白浪翻
浪激信反覆鷺去無回騫
十浮將九沉任彼回風掀
飄泊未云已驚落見者魂
今憑逝川波故憑川上原
原中復何有草木故自蕃
洄流清前汀薄命獨存人
生盡如此株木奚足論

翁北十真韻林傳

雪

太素欲還淳熙然萬物春
封條花爛漫飛絮柳紛紛
玉殿神光發金樓火色新
簷高天漢接地遠蜀江瀾
西塞雲填谷南湖拍濤吹
厖欣掉尾飢鳥困依人躡
蹠縱存齒翻車壘到輪窗
開羅岫失檻倚鑿池堙鑪
炭情偏愜冰壺意亦親
郢歌休待和大化席紛紛

桃花

桃花如美人靜有嬌春態
醉眼奈愁何多情破新睡
裝成開笑靨天裊腰支細
不語傍斜陽鵲立塵寰外
烟遠鎖眉顰東風羞娥媚
倏然嘆零落灼灼無窮意

會訪武陵源一飲沉霞味

春陰三首

春陰一何甚愁結窗外花
細雨打疎竹娟娟新草芽
春此忽中慘吾生浩無涯
閒讀上書几可歎復可嗟
時沉諒難追世路亦已賒
折腰墨綬卑坐有憂患加
官柳榮新綠黃鸝語淫哇
把盞但心醉天外日已斜
魄月沉半壁歸飛噪啼鴉
仰頭望虛碧冥冥密雲遮
風塵政昏暗逃形之浮槎
顧影還自笑狂遊蕩無家
弩頭強應世鈍若倒拔蛇
先人營舊廬清池傍蕪葭
芳時綉文錦翻濤散晴霞
霽色故自好風霾益云嘉

通社起另行寫

何當舍此去忘情傲丹葩
逼社窈陰雨園花就凋零
翩翩蝶翅重好鳥無一鳴
山頭霧露白簷前砌苔青
旁瞻隔遠到內與愁思并
縣小文書^省觀茵匝莎庭
舉頭歎世事坐有百感生
芳林墮玉蕊垂楊結珠纓
傷春復已半忽忽難為情
竭來發書箚悼往心自冥
袖手一凝竚意逐飛鷲行
中原政紊亂悲角揚哀聲
有酒不解飲何以解我醒
社雨打春色催落枝上花
天風振疎篁離披亦云嘉
為此念疇昔官曹掇^省冷霞
幕蒼遠夢夢寰中感生涯
落花故有時慘慘筍當芽
芳菲日已老吾遊路何賒

宇宙一悽慘桑榆未還家詩情不自禁荒園鼓新蛙

讀靖節詩

淵明鳴素琴無絃有遺音善聽非子騫寥然賞知心
聲滿天地間清越窮幽深遊魚漾澄瀾宿鳥投故林
忘肉為間韶義皇到于今

跋東坡詩案

南方有佳木遠在漲海涯沈水產其節雞舌生其肌
結根松柏場龍腦實離離蠶獠豈知貴斧斤斬纒枝
椽為糠粃槽將食犬與豕條枚惡鬢曲芟除弃江湄
滄流蕩回波不與朽壤期年代知幾閱愈久乃見奇

根株到餘樾樾復恐分寸遺終焉盛芬烈蘭蓀謝芳姿

還返釋言

先天有真數八卦因皆九升降周六虛利見龍無首
後天奉天時不在先天後得一定存三玄中急須守
道人與我言熬水可丹成陰陽忖節度金玉爭精明
問之誰因爾惟言火力停毫釐謬以消造物亦何情
採木以為輪寘之溪之干微流蕩輪輻銀濤立飛翻
三田接餘潤九穀歸其根灌溉有如此愆陽偶足論
接竹引巖泉遠在寒谷幽然炬火其端高飛北山頭
可以活三軍梅林意悠悠倒置未為戾見之復何求

鍊寶經作鍊寶

陶甕與鎔金火出資堅又炭木已焚如萬祀長不朽
巧成在鑪竈鑪竈憑何有不見古軒轅鍊寶荆山首
嘗聞曾子書金火中外明圓方遞寒舍施二景參黃
庭天端月虧盈宛在日之情誰何液渾金坩錫置煎
烹律管實葭灰氣至颯以升日至幕寒泉水花結輕
冰應候固應然違天亦何能時哉復時哉尺璧定自
輕襄陽庫露真木器塗髹漆厚以堅孔去移凡
質蕃戎豈不詐信是真山出所以蛇化龍頭角非囊
日苟晷有逸牛徃返日千里烹之剖其脊比竹雙筋筋
起強力有由然物性都如此本立而道生人生有真

樂
理蚌血可還錢書符能已瘡感台有如斯還丹非外
作得意以忘言象數求還錯無為四時行天遊有真

良齋先生薛常州浪語集卷第六

良齋先生薛常州浪語集卷第七

詩丁七言長篇
三十八首

樊口候參政暮歸

搖兀孤舟東復西
颺從赤鼻下樊溪
驚鱗斜日銀刀亂
飛鵠滄波羽扇低
江漲清冷舞洄洑
岸頽浩蕩汨塵泥
黄昏盪槩窓樽上
笑指天閨認沐鷺

聞中司還旆清旦踰樊嶺候之不過自黃子

磯乘舟而歸

萬松晨馬蹄疾五水春來湖草長
官柳弄烟天已曙
山花無人風自香
濤痕石磧記江剗
檜楫蘭舟搖夕

陽送我不如歸去也啼^規夾岸切愁腸

夜憶吳江

虹梁新霽倚東隅還憶松江枕太虛味比尊羹下益
豉賢為菰菜憶鱸魚清風帆慢輸歸客落日蕙葭稱
晚漁會帶笭箬鎮浮浪扁舟斜掛一蘆葭

過樊山

誰將春信過中江草木無情取次芳裝罷美人梅破
額愁成行客柳牽腸江灘鑿鑿添新漲沙塞茫茫反
夕陽款段紇梯樊嶺道幾多畦町雜蒼黃

樊山春望

飛出仙人壺外天壺中日月故依然虛明百雉龍鱗
動空翠千巒翡翠羽鮮咫尺畫圖藏世界侵尋錦綉簇
山川歸來身入寒谿路恍若瑤林一夢還

濟江逆田開府過西陽俞氏家林

輕舟時復到齊安一過^俞家一點顏江打頰墻開野
徑篁生故壘上家山蕭騷城郭塵埃外縹緲烟霞雲
水間便好繫船終日臥官曹不許片時間

聞吳王城中軍成嚴鼓

年時芳草碧蒙戎聒耳新聞甲夜風軍吏誤應非進
鼓天王錫忍廢彤弓剛言符詔難傾晉不信文王可

伐崇擊柝杜關無箇事釣臺江月靜朦朧

宿大城寺與寺僧行都子故城於壁壘間得
銅矢鏃土中螺殼往往不壞僧言初作此寺
發殿基下有古軌渠宮城中得銅矛矢鏃百
數南城中土窖積灰埋鵝首骨猶具自甕城
北望有郡王墓僧云其傍墟塚甚多王墓常
有巫者發之未開被蜂毒死巫家於懷袖間
得蠶乃黃金所化

二千逆數到春秋戰國興亡一轉眸壘壁詎銷埋蚌
殼劫灰寧燼斬鵝頭墳緣開發金成范殿為焚修瓦

出溝哨矢焦銅傷我意古來爭戰幾曾休

祈晴車中望安樂宮故址

罷休祈雨又祈晴天道難知德好生鐘鼓鏗鏘西佛
寺草芽荒穢古王城溫輿即就涼輿便陰氣潛消煖
氣盈棲鳳未堪雲尚密可人日脚尚微明

寒食甚雨中泛東舍溪偶晴遊張公石室三

首

蘂篠烟靄入浮槎菴畫溪干阿果家浩蕩天風飛羽
蓋繽紛法雨落曇華飯懸飲澗猿連臂魄褫投牢虎
落牙豈是仙翁未神聖笑談為我放靈鴉

天遊無事月中槎物外仙靈別我家老蝠有方精不
化白驢絕迹眩生華竈餘丹藥清毛骨潤吐清泉厲
齒牙回首周郎斬蛟處晚雲當面舞神鴉
天河重泛客星槎便好成都訪卜家渭水未成浮竹
葉武陵猶記落桃華傳聞鐵騎充牛口暗想樓船破
虎牙濁酒一杯山水綠棹歌三疊百啼鴉

周將軍廟觀岳侯石像

侯祠初毀道士不忍
壞侯像沈荆溪中因

得不一首

萬死何知獄吏尊威名蓋代古難存侯初下大理獄
吏執筆請辭大
書其紙尾而吐之曰汝觀今世烏有大
臣繫獄而生者趣具成案吾為汝書
二桃豈為功

高賜一舸不容身退論幾為飲江思道濟繆為圖像
削王敦沈碑千古蛟川恨留與無窮客斷魂
軍聲良苦聽南風說閱禮敦詩也不容鬪螳達聰良是
病戰蝸流血可同宗親疎間入聯鑣話真假言從躡
足封趣詔河陽長已矣隆中悲切起人龍

雨後

攬人無賴是東風掃盡春菲一雨中窗外遠山裝暗
綠眼前佳卉夢新紅梅生樂園枝如綴草合誠臺路
巨通芍藥牡丹知漸老折來瓶水翫芳叢

連日自退谷路抵袁口

晚烟暝雨不勝愁改日仍為退谷遊司事守田如有
意催歸脫袴感行休連營谷里旌旗暮細草_杯湖荷
芟秋果下馬拖泥水去石頭路滑且夷猶

雨後憶龍翔寺

好溪東赴海門秋中有禪居湧碧流潮信往來雙別
嶼世緣生滅幾浮漚菱歌面面來魚鼓燈火層層到
客舟何事瓜期外留滯短窗斜雨不堪愁

春遊懷古

登臨一度一傷神功業蹉跎萬物新飛鳥遠歸雲外
嶺賞花頻對眼前人茸茸雨脚南郊暮種種茅鍼大

極春鼓掌只供漁父笑竭來生水拍江湄

寒食遣興

介子龍蛇亦大靈禁烟猶復雨霖零時風未辨作寒
食春事無醉過醪鄴取士語乾三禮穴延賓為屈五
經瓶明年此日家山路滄漠從君看水萍

縣舍醑醑始有開意會走遷居簿廳

芳叢纍纍結珠璣雨後芬香郁麝臍半醉半醒春晝
永載行載笑洞仙迷青蛇眼見遊飛霧綠綬生愁解
佩觿舉袂與君為此別幸傳薰德絳囊攜

落梅

過仲尹於東園
隨所見而賦

東風一昔報春來
管領羣芳次第開
出岫白雲如有意
照人明月幾難回
縞衣聊復歸三島
綠醕無辭舉百杯
真味不須談鼎寶
等閑誰識鎖梁材

折枝水仙

西子苧蘿谿浣紗
李白捉月千丈波
風流東逝去不盡
玉釧猶傳金叵羅
芰荷蒲葦清泚微
香密雨和風起
可將將潔祀王明
為言酌獻持杯水

錢湖有水
仙王廟

月下醑醺

噴人清馥徧閑庭
心醉銀缸對醑醺
高髻月娥呈素面
孤雲天蓋拂明星
腰支天袞愁縈緒
玉佩招搖尚

典刑着意政須延
永夜新條明日定
飄零

和許簿牡丹二首

天與花王化日舒
可堪買酒共提壺
荒涼洛苑芳菲甚
落寞揚州氣味殊
傾國幾迷狂舞蝶
還錢不得迅飛鳧
清愁懷抱多春感
一葦懸知此意無
清江不解蹋長蘆
悶向花前問玉壺
秀色可餽誰是伴
濃裝獨立自應殊
醉傾鏡外歸鍾酒
飛盡人間幾血鳧
多占春風稱第一
檀心知有謝來無

復和仲蟠二首

開緘豁豁皺眉舒
一首新詩酒一壺
寒食禁烟春已

半佳人傾國態懸殊園荒不減遊群鹿才盡應悲短
續鳧有墨牡丹君種否鄉邦能借一畦無
一見春紅意已舒何須幻化入懸壺含芳鎮日香千
和作態臨風色萬殊曲檻乍開金縷鳳清池斜照玉
為鳧洛陽擬問門園在王后如金解接無

思鄉奉和

杯坏空開門傍石泉平生活計枕書眠但知身世非人
界不信方家說洞天陋巷分甘顏子樂一瓢所得許
由賢年來把板塵埃去笑殺高山四皓仙

和錢都官

道學初從小況雄文光萬丈吐長虹凌霜節壯生來勁
噴玉清詩老更工樹檻定須回日御韶閣端復悟天聰
願公赤烏安狼寔幽國何曾有變風

和元直

疇昔相要學屢空蹉跎行即歎龍鍾三千牘欠東方
奏十萬兵無小范胄大愧入關歌一箭終期出塞傳
三烽遠太宗征蓬萊有願占雲氣又羨江山筆墨供

和元可贈別

惟憐蹤跡負平生愧予秋空萬里清體道信能忘聚
散論交曾復俟將迎愁多人物輸前輩恨有天公也

世情陽羨買田雖舊約虞歌^喜起欲誰賡

王朴

海寓煎熬沸鼎時先生靜付一支頤單辭隱几三仁
在大畧平邊百世知到了勲庸成底事由來用舍出
先幾長槍不用毛錐子應使毛錐自用為

酬朱張二秀才皆次其首章韻二首

殃民政虐恐風傳鎮日窮愁蟬腹然化物未能參物
格高談無當若談天雅歌清唱俱流徵善聽多慚可
絕弦何事攔腰撞君價絕塵奔逸正吾前
萬緣政爾未能佳繪句彫鏤直謾誇客裏懸知君有

謂宦遊當念我何奢幾時塞西歌飛鷺指日東籬采
菊花五斗折腰良自苦奈今無粟飯胡麻

觀法帖

字學從前小藝林誰論終古可傳心毛錐劃剗龍蛇
動筆陣縱橫劍戟森須省六書兼八法由來一字值
千金世人不解張顛聖剛把碑文鎮日臨

夜聞桂香

秋香烈烈鎖房櫳龍麝腥羶不異同清素月中流夜
魄芬芳林下有家風記惟密雪開梅夢憶過疎籬採
菊叢獨有平泉舊詩句浪誇金粟竟非工

蓼花

不矜秀色傲春風
笑倚斜陽露氣濃
秋草淒涼風索索
索江天寂靜水溶溶
岸移晴綺飄仙袂
葉起丹霞照玉容
可奈少香香似可
為傳滋味入醺醲

社日

年去年來春復秋
田豐土穀浪言酬
敗家謔善崔文紀
宰社均無曲逆侯
燈燭靈壇三告祀
燕鴻邊塞兩淹留
不須飲福傾樽酒
辭過今生方始休

艮齋先生薛常州浪語集卷第七

艮齋先生薛常州浪語集卷第八

詩戊

七言絕句七十二首
六言五首

至樊口三首

一霎重為退谷遊
扁舟一葉浪如舟
人生百歲渾如許
借問都來幾白頭

小回中入大回中
激水那堪括面風
退谷未煙聲叟笑
釣臺寧是不英雄

長安當日碎樊山
間說孫郎鑿峴還
舴艋架虛掀舞甚
可堪破舶問前灣

宿大城寺

寺乃郡王故宮

斷煙疎竹瑣樓臺
都子如今安在哉
明滅故城無限意
紫薇花傍夕陽開
新蟬無數咽新秋
故國伊誰伴我愁
夜靜月明風動竹
也疑離殿過歌喉

春草曲

二月二日未旦夢遊過潦旋返見羣女魚貫舞入大第行歌春草之曲其聲宛轉清暢不類今之樂府寤而追記其詩

霰雪枝頭寒已老
平蕪一夜鋪春草
江梅着子怯東風
花落滿庭渾不掃

樊山春望

東鄂城東安樂宮
李花練綉玉玲瓏
畫圖長喜平蕪綠
不覺身歸菴畫中

追和澹泊樓先祖詩韻

花木蕭疎一徑深
門前綠柳更森森
旁人錯比陶潛宅
澹泊仍無愛酒心

種柳栽花意已深
曾棲岳立千丈森
可須輪奐翬飛翼
會見逍遙天地心

赴調

三年蹤跡走泥途
走遍泥途一事無
今日又行當日

路旁人為我一邪飲

王征引

盆傾暑雨雨襄陵三插苗心悉蠅生一草不遺禾黍
地若為芻秣事王征

喜聞

苦恨砒砒多亂玉幾能沙礫盡披金虞庠舊意無多
子有也簫韶拊搏音

帳宿旂竿嶺

長笑飛芻饋六軍也歐疲瘁逐征塵楸林卓帳秋風
夜山鳥驚啁可笑人

黃陂縣懷古

尼丘非復貳先生逐利滔滔盡古耕還意蔡侯當日
事郢州知隔幾年程

記夢

二月八夜夢侍東坡先生論靖康後事走
謂宗澤不死朝廷少假事權究其施為國
家決不至是生未荅坐中或相詰難先生
曰是所謂彌杼然者走問其說先生曰有
詩人與樂工言樂詩人取琴鼓之其聲呶
嚶然樂工之琴彌杼然也遂寤不詳何謂

作詩記之

通夢周公不我欺
呶呶無若大音希
誰人伎子知誰
在一枕隣雞曙已暉

病興即事

東風細細筆牙綠
畏日曛曛天晝清
萬緒不舉坐兀
兀林端颺颺兩三聲

無題

朦朧夜色暗浮雲
咫尺氛埃怯戰塵
深夜鳴榔到庭
戶江湖知有釣漁人

魏勃

異姓侯王約重陳
誰知興復自陪臣
滕公剛笑輕齊
尉大庸直須庸妾人

怒激三軍豈足言
漢庭股戰始能賢
齊卿不及公侯
貴擎跪榆生雄雉前

書溫公集後

不用須臾用即行
未分丘壑與朝廷
聲名怪得生來
甚非但潛心醉六經

讀舊王日錄

立致嘒嘒必致君
四方觀聽一時新
周家道備驪戎
變流俗元來不悞人

讀鬼谷子

押闔乾坤若有神崎嶇長短困儀秦無聲無臭文王
道應是先生浪鼓脣

新歲病起

牆外梅花渾欲飛縈人無奈柳依依窮愁三識新年
面猶喜當陪乳燕歸

桔槔

怪得朝來俯仰頻王明用汲有深仁無為抱甕先生
笑機械耶歛已玩人

聞鳩

桃李無情花自妍竹根行復破苔痕新婦抱兒未歸
去愧死鵲姑啼滿園

長湖以南李花彌滿山谷誠臺望之皞如也

層冰峨峨春不融壁月皎皎夜常滿明河入望浩無
津欲往從之人甚遠

酴醾花謝有感

當初曾醉浣花春席地棠梨當錦茵今日酴醾飄似
雪閑忙不比舊時人

巴口感事

曙烟帶柳日希微一簇魚蝦市井遲莫訝上官深致

志雲龍曾說鎖牙旗

十四日從諸同官登西山郊壇岡次孟監務

韻

催人暖律厭飛灰高會蓮燈懶重陪閑到蘇仙舊遊
處熙熙不祇登春臺

菩薩巖泉湛佛乘澄泓夫復現天燈歌強下俚酬春

雪便好為文弔剡藤

清遊無事亦無非陡絕圓壇一強躋赤壁望中公瑾

在戰塵何日靜征鼙

人間萬事盡浮埃顧影窮遊莫倦陪吳王百世不復

在只有九仞郊天臺

交神有道非關我元夜虛張太乙燈擬學昌黎慟河

華板援石磴多藟藤

不論人間是與非崇丘礪鬼尚慵躋登臨自有無窮

意安得閑愁袞地聲

讀史記

公旦征淮難寔尾仲尼去魯速吹毛聖賢出處平生
事間不容針却中鵞

黃霸

稱職關東漢史良作公名損浩難量試看鷓鴣為神

雀無是飛蝗食鳳皇

假日

絕被蒙頭貪睡足
莎庭臥鼓啞衙遲
賓僚莫訝吾慵甚
忙裏偷閑亦暫時

將歸

閱世光陰雲掣電
忘形踪跡浪浮萍
翩然行逐西風去
聊復人間得此生

戲寄清虛先生

軒睡懶醒先處士
回光坐照老賓州
陳搏王翬皆有清虛之號
西來大笑朝天子
一宿不為桑下留

聞前月時事君舉象先皆與南宮之選是日讀易詩春秋作四首

一陽萌動南宮下
正是寒威合海時
閉戶先生莫惆悵
雷行龍躍定前期

我行永久亦何傷
僕馬痛瘡不是忙
田卒蕪菜皇甫去
慙遺將若守吾王

憂河之濁泣清之
每笑周人切見幾
麟史究觀王室亂
異情元不是公非

我不知人人我知體
交無味亦何為
朝陽鳴鳳翔千仞
却是梧桐實未離

州圖次元修韻三首

導水要窮神禹迹驅山每恨始皇移晉家安石非無事高鎮神頭有着棋

瞿眊盡道色非色愚眊共知東是東一紙畫圖都掌大誰言遮壁意無窮

箋書莫笑蟲魚注善學須通天地心到盡粵南并薊北始知前古是來今

書敬仲兄枕屏

野趣知兄愛泉石風屏少試秋毫力纖煤點染出雲天萬里江山安枕席

歸計二首

浮雲何處是生涯念絕營營即是家洗脚渡頭歸去也漢津無用逐靈槎

置錐無地也無錐幸可歸來特地疑舡子月輪負未破羅浮焉用石頭為

青田同七五兄作四首

為聞雙鶴訪青田便有孤雲竟目前灘水自鳴山自綠短篷斜挂得酣眠

烏雲送雨過前山白鳥將雛向遠灣獨立溪亭無箇事湍流瀧石鎮潺潺

浩歌款乃容銷魂一抔烟林暝遠村花為忘憂人一
笑不知風雨作黃昏
谿翁夜傍清谿立千尺絲綸一紅粒天空月白不見
人無聲露滴蘋蓼濕

追和寶山晝睡

浮生化國物輕塵已自忘真那得真無物從教儘空
洞可須容着許多人

戲作贈別效東坡體次其韻

茹菜羹時嘗苦憶擣菹無路塞行期難逢莫恨絲長
斷金鎖開絨自有時

雨中鶴唳

十萬虛屯野次兵不違符詔壽陽城愁雲慘淡雨未
急鶴鳴一聲天未晴

咏木

蝸蛄區區切可求飢腸一飽又何尤要能去蠹無遺
種寥落空林死便休

鷺

綿蠻巧語慶青春金線低垂柳色新定自知時厭流
蕩歸來空谷混泥塵

讀鬼詩擬作二首

坐對悲風嘯晚山征鴻不記幾回還青銅蝕破菱花
面慵掠烏雲縮髻鬟

王樂紛華苦未真空遊無朕亦無身細看浮世多塵
空如我得歸能幾人

李斯

獵盡山東六暴強修明律令起秦王還思稅駕知無
地逐鬼應當爾許忙

詩書灰燼便秦文便得秦王却誤身斯具五刑秦再
世六經還有表章人

剛從孫卿學帝王為羞貧賤速危亡威嚴無復人居

上自處麗應慙廝鼠方

燕太子

意氣寧知錯感人姬丹秘計謾危親亡燕拜送於期
首政使荆鄉趣帝秦

雨後憶龍翔寺

二岑高峙夾禪局長落潮音逐磬聲老僧睡起絕無
事不管波濤四面生

窳堵東西岷兩峰王宮今日梵王宮潮舡八面來勅
敵都入禪師燕坐中

秋意

月娥素魄溢娟嬋金吹淒涼冷淡天野水暝煙楓葉
暮黃花紅蓼獨嫣然

聞蟬

自闢筠鄉五畝陰蟬散無處不相尋炎天喚起秋蕭
索便擬乘風遠鄧林
新蟬無數咽琅玕引惹涼生六月寒已自東山譽高
潔未須丹翅擬笙鸞

村居秋暮

風回偃水縠紋平林末宅山筆架橫場圃未閑黃葉
下鷓鴣啼雨忽啼晴

睡香

君子奪朱有惡祖師噩夢尋香莫問兩重公案且須
一曲霓裳

擲筭

一局閒尋五木經檝標靈白意冥冥未能後擲如前
擲將奈長亭又短亭

公叔次開窻詩漫答

不同夷甫坐談空爛醉鳧鷖滅沒中間說詩豪君是
否好磨長劍倚崆峒

幽蘭次十八兄韻六言四首

宛在一人空谷居然九畹深林襟袖不盈披拂車轍
無蹤可尋
有美中郎芝砌言采淵明菊叢會取箇中香氣蕭然
林下家風
舞奏八風蕙澤頌聲炎氏遺音允也不夷不惠悠哉
非古非今
超出世間凡品巨聞鼻觀餘香春入有花不艷院小
無人自芳

良齋先生薛常州浪語集卷第八

良齋先生薛常州浪語集卷第九

詩已

七言長篇二十八首
七言絕句二十九首

詔書屯田湖北相土西鄉屬暑雨中旬轉入
洪道時雨初霽谿山葱泚如在縉雲荆坑道
中子規之聲相聞屬道

沐雨驅車涉敗橋原平渺漲江潮華容葭葦憑誰燎
赤壁朦朧徒自燒一路規啼情悄悄九皋鶴唳思搖
搖道東直指松門去酷似故鄉歸路遙

書顏子傳後

幾廢都緣有若無寧論芻狗矧蘧蘆要須非復周公

夢而亦何為予夏書行葦至仁均草木中孚大信洽
豚魚窮神至命知奚事不遠周流意六虛

六月三夜夢觀某人詩什其書一章四絕蓋
絕筆也走讀竟太一真人來告語青猿手裏
得長書靜聞丹竈風中雨之句夢而默記之
寤矣作詩導意

多謝真人警夢書青猿馴擾尚趨趨任從爐鼎喧風
雨爭奈神明復古初君樂鍊形咀丹火我甘飲水灌
園蔬惟當敬脩終焉意予欲無言致匪虛

讀伊川易傳

太極非名豈自然由知闢闔見坤乾先天詎必違中
古上古應須後得天至密退藏那有迹惟幾成務尚
容斫從交變易能從道不似神龍得性全

樊口見鄭崇陽不遇

緝時兀兀坐筠籬命駕崎嶇傍夕陽島嶼西陵開菴
畫湖山東鄂洗新裝路侵細草迷繁綠風落閑花憶
舊香却上渡船歸去也不逢安道故無妨

誠臺晚意

麥夏西山日脚斜峯雲千里盡丹霞晴嵐棖楠水春
漲芳州園林路晚花遠近子規啼怨抑高低乳鷺語

淫哇官身歸是何年社信英誠臺不似家

晨赴寒溪寺乾龍節道場所

曉入招提旋即還去何忙遽到非閑寒溪日出射烟
霧退谷路荒埋草菅林盡遠峰晴歷歷叢生流水暗
潺潺歸途鍾鼓依稀似將謂禪居別有山

新晴

起人舒慘作陰晴九十春光只雨零宿草未萌波漠
漠落花歸盡葉青青風生遠嶠銜明月霧歛長江吐
漲汀天意乍回心自廣片時雲路覺無形

勝亭雪望

上元雲露玉塵飛應是虬驂罷會歸望合郊原人世
變映浮城郭夜燈微連天忘却黃岡縣際水平將赤
壁磯衮衮長江耐澄撓浪回漚鳥一鷺暈

和賈簿

澄江風定也清寒咫尺渾疑醉夢間雪滿後湖真是
浪雲平西塞且無山輕鷗弄水情無限遠雁書空時
自還靜極要當隨衆樂歸來燈火鬧朱顏

和賈簿勝亭雪眺

携壺命侶燕江干雪起顏垣甃玉欄減水湖中還素
浪明雲天際失青山無端大火寒無艷不奈生柴苦

不乾斷岸蘆州見殘月一鉤忤視却前灣

艮止亭即事

艮止危亭欲暮春湖山江外翠眉顰鳥啼夕月清歌
扇花發荒原鬧舞袖吳老洞迷青草暗陶公宅古綠
蘿新懷歸何日成歸計不忍端居作主人

泊船

泊船在處即吾家鮮得燔烹爨有槎弄景日移烟岸
柳流香風度野微花霞翻錦段浮江渚水落濤紋隱
岸沙塊坐竭未無一事夜深燒遠起殷霞

從孫元式假定本韓文

楊墨哀周亦既微仙曇變瘦用戎衣回瀾豈直萬人
敵斷簡傳將百世師脫落間亡烏劔墨蠹殘寧免白
魚辭校讎歌向君無愧聊以新詩當一瓿

校畢歸之

倒墨扶周復古文清輝萬丈醇乎醇七篇與意遠相
繼六代潛光今又新字假通才識魚魯車慙寡學改
金銀異書喜得君無斯此道中興知有人

勸農出郊

漫驅戎馬說農郊不見田疇見白茅洪道曉晴明水
底羊瀾春漲長林梢紅翻大澤霞方散青入空原草

漸苞迎暖示民民自勸可須杯酒薦烹炮

九日龍山之集荆州作

年年九日登高會九日登高年歲間黃菊茱萸應故
泛茱萸黃菊故應攀今人不在古人後往意可如茲
意閑風帽落簷誰得見龍山還是昔龍山

冒雨渡江吊喪彭氏造雪堂夜歸

衝風節雨亂西江吊死裴回問雪堂叢枳界無春草
王主小橋蹤在古碑荒人存有政名空大世遠回思恨
始長旋棹晚雲何限事可堪瑞慶柳成行
月波樓下草芊芊浪拍三江起暝烟願見古人又

去欲詢往事無傳窪樽明滅漁家火樊口依稀估
客船妻子迎門應怪笑問君何謂苦周煎

酴醾花

東隣處子太優柔醉倚欄干十二樓清白有家傳醞
籍醇醲無味飲風流帶搖翠握蒼蛟動佩解虹梁綠
蟻浮嘉木自香香到骨困人非酒欲誰疇

牡丹

三春首出眾芳菲笑倚東風感翠眉洛浦未翔要玉
佩湯泉新浴曳桂衣無雙可奈傾城恨第一何堪代
命為桑柘不花花下可清霜誰是不空枝

巖桂

羣芳未許論芳馨
獨自秋天卧月明
賴有幽香洞淵
與寧將雅藝博輕盈
德純不顯娥皇怨
道大無聞叔
度清好向深巖伴
黃石可知誰與桂花名

天閨

扁舟一葉轉寒溪
返照西陽日下西
旬浹不來江水
漲驚瀾幾欲上天閨

武昌懷古

漠漠烟村一故城
郊壇離殿草茅生
青山不解知興
替銷黯開顏為雨晴

筠鄉入夏野花方折

墻匝叢叢綉舞茵
一般顏面各精神
筠鄉不為東君
去野草閑花滿路春

艮止亭晚意

山影殊亭日轉西
墻頭歷歷片帆移
何人喚我頻歸
去側耳疎星怨子規

艮止亭阻雨旬日

山亭無路少徘徊
起步狂瀾漲九垓
不是蜃樓浮海
外也應弱水恨蓬萊

艮止休工未落成
做人限隔雨零零
眼前好景到不

得便是宵中望極星

晚渡東波

赤鼻磯頭橫曙烟
吳王城下浪連天
聞道東坡妙天下
爾來靡日不盤旋
浮生萬事盡塵埃
瑞慶堂今榜快哉
惟有東坡舊烟柳
道人猶解指莓苔

行成西山

帝驅猛虎舊江州
旅卜僧坊計少休
避暑有宮留不暇
遊山笑却是山遊

讀蕭銑傳

可怪梁朝幾帝王
丘墟萬里變農桑
修文偃武如何故
町疇江陵盡鹿場

塊坐

萬緒絲棼泪太和
終朝解得竟無何
放心收却且危坐
始覺忘機有味多

讀皇極經世書

大易誠知自畫前後天
不識異先天工夫用盡還無事
巧歷勞推不盡年

讀荆軻傳

廟勝嘗聞勝五侯
輕生終不是良謀
秦王未許論生

劫畢事還同擦虎頭

讀劉义集

湯文不作幾經春义也賢子隱澤民古劍骨中儘磨
淬寧如覺道樂耕莘

伯文人盆池開芙蓉十二

間合天符玉下麟祝融溘浦肆時巡西山詎必須陵
井又得滄霞十二人陵井十二玉女居之西山十二
真人上仙處也

讀近時樂府

天寶龜茲貴尚年哇淫靡靡到今傳尋思漆消桑中
調幾許不如周頌篇

樂好株離幾百年知昏暗日漢湖天周東幸有其戎
歎却在伊川被髮前

春遊

桃紅李白耀明曜車馬交關遞流照墻頭半露是鞦
韆不見美人間語笑

即事

芰荷擬擬抽葦藻風細幽香蕝懷抱庭竹琅然振玉
音葉落委墻慵不掃

殘花

小院銀瓶落花枝驪山驚起睡楊妃銷魂淚滴燕支

雨留得霓裳舊舞衣

瓶花盡落而梨花瀟洒如故

天帝南遊匹馬還紅雲作陣雨欄杆駐顏下燕如水

雪一粒清涼得賜丹

寒食雨

言歸社鴈已家鄉紫燕呢喃識舊梁甚雨疾風寒食
夜旅人情緒一思量

江村聞笛

江村風色秋江渺林薄無人鬧幽鳥長笛一聲金吹
寒知有漁舟釣紅蓼

遠景圖

蘆花飛鴈烟村靜一點青山波萬頃人在孤舟喚不
磨兒言客寫瀟湘景

慘澹平烟波浩渺隱月餘光飛白鳥依稀一舸是漁
舟獨釣寒江天未曉

野望

水晶簾冷鋪寒玉翠帘高張染螺綠陣雲烏鷺點棋
枰一葉清旗動江曲

衰柳

秋草池頭夾黃纈莫煙淡淡蒙新月擬將攀取贈行

人脫葉枯條不堪折

朝欲借予雜橐者

神文道本可言形退也能藏用即行要得任牽驢狗
在無端何似借書生
郎君到底亦何知奪卷書生真教竒惡語故應多艾
氣殘藤無用寫來詩

良齋先生薛常州浪語集卷第九

良齋先生薛常州浪語集卷第十

詩庚古調二十五首

送張漕還停舟樊港訪退谷

送客過樊溪停橈退谷口不見元次山靜立躊躇久
巉巖兩石峰猶疑入戶牖杯湖正宜泛埋塞僅盈肘
糞壤瘞杯樽勿復堪堵酒扁舟泛然者長歌挈敝笥
浩無風塵意將恐是聲叟自知千進客對面弗敢扣
從之人甚遠慚顏為之厚武昌非昔人望絕不得友
它時賦歸歎湖谷定吾受此心介如石自誓何樊母

登怡亭故址

江濱篆真石渾謂有神畫閑作故亭遊心知古人迹
竹疎徑微通天遠荒自闢長江浩無涯滄溟羸咫尺
行成西山徒步抵寒溪寺
杖履竹林遊陟降西山道恣恣不是閑倍覺寒溪好
潭魚戲憑虛注水喧幽草埋荒古人迹樹伐庭如掃
桴鼓又相聞我心為之慄

感事

潼華覆哥舒陳濤憤次律賴有李猪兒發憤扶唐室
長城賢已遠惟嶽峻方崇借問南朝事江流第一功

陪劉提點遊西山

我家西山下早晚空翠滴漫仕鄂王城西山悵難覓
不知寒溪上好景天意錫舉趾異川陸千里共岑寂
丘原動歸念兔夢時歷歷東吳賽甌粵信美心愈感
古見似人喜鄉閑今有覲且作西山遊笑顏忻自款

送中司抵巴口

將迎苦不易浮湛良亦難素索韃候使客無時弄江灘
上磧下南浦風雲怒濤間一葉舞軒昂五水戲觀瀾
朝湖暮淮西此遊今等閑看盡楚山碧信宿相與還
晴巒挂天衣水石鳴佩環輕舸蓑笠翁勿與人事關
相彼塵外意心清緒為闌何時買扁舟從公看瀟顏

病起

蒸鬱斷梅天薰風故微細夢春今已度避暑如何計
樹老山一色蛙喧草無藝病興意愕然到眼多蕪穢

晚雨朝霽林端煜然望之皆寶珠也戲作四十字

晚雨在林麓朝來弄晴曦瀾翻漾明月粲爛生摩尼
撒殿固無事雨天亦何為少須風景麗去去將安之

賞雪

晃朗長江北天地都無色扁舟撐短篷一鳥歸飛亟
遮莫凍凌兢如人酒量增鰲山不是照天地一明燈

二十五日雪

裘褐透膚寒飈刺春將半雪作飛花飛袞袞攬零亂
天地合清明虛極浮江岸鳥窮棲樹端走狗欣挑攏
埋路已旬浹四野都瀰漫郊行悄無跡惟有神光燦
茅簷過尺摧爐火生無炭凍死未能詩達人方大觀

和賈簿雪

早起怪吾廬去天才一尺始疑大朴還掩畫凡陳迹
北屋皆可封列地班圭璧照我爛輕明却似初出日
仰頭不可見恐是老鴉食擬倩玉川子叫闌聞帝席
穹壤合為容事乃非人力心膽為之寒且退然枯荻

曲身今已直促織休唧唧此意可告客苦乏鄭莊驛
履霜至堅冰何當介如石鵠鳩有逐婦相從如娣姪
飢蹲苦樹顛到夜無入室自蠟登山屣借問何所適
我亦無所適嗚嗚期太乙庶見太昊氏鷓視剖我憶

黃楊生拳石間王彥材以為贈且賦之走命

曰孤山貞幹次韻以酢

孤山有貞幹不比尋常木蟠根怪石巔亭亭自生育
百物進相高位閏知盛縮散葉傲風霜膠枝外林檎
琴桐嶧之陽逍遙兩俱足夸父從我庭如仁示其目
股掌翫何言遂可移風俗

夜深

為問夜何其明滅燈將半雨雪濺聲繁霆電流光爛
初筵向欄柵遊子紛繚亂誠知宴樂娛不怕泥塗漉
齊居靜無他天德全弗畔吟徹借筇頭假山餘一燿

偶書

天公不好事月夜雲埋月遊人且勿遊辜負良時節
霖霖漲塗淖雷電騰飛雪蓮花燈可憐對明不同滅
中秋對月戲呈覽舉諸兄
君不見決明混沌江之湄含胎吸月懷清輝圓淨唾
將珠與璣又不見明視中原雲月靜跳擲回旋顧形

影生兒徃徃皆毛穎由來逐物未忘機勞生吞吐知
惟時觀美為人奚以為獨坐金風塵慮省皓月斜河
星耿耿草頭溥露侵膚冷平生不解飲和歌無人對
月醉顏酡月朗清秋奈月何睡思竭來剛引領林岫
參差弄光景不知月已沉西嶺

開窗

溽暑欲成雨密雲猶在郊開窗挹涼颿遠山見林梢
木葉已成陰野鳥鳴啁啁鏡靜碧池湛清冷無混淆
會意紛萬途錢荷貫叢芟寂坐一堂上默默神明交

子規恨

風篠扣吾扉有人來我語語好不須多都不如歸去
開門我見客客子今何許竹下得流虹人言為杜宇
杜宇昔王蜀不自安當宇相歸密淫遊微行時踽踽
蛟龍失水困哀怨成飛羽規名釋爾足茲事則然否
揚雄蜀本紀望帝亦賢主仙去正啼規去思傳徃古
不妄信斯言王去非輕舉蒼天悲此民故使規聲苦
脫屣感斯意八極歸客與到今惟一後躅追無侶
所以百世下直指不得數聲盡斷以血空教瀝肝腑
其然豈其然臣事君看取

聞齋安雜詠板成從沈守求印蒙以為贈

軼縣西南弦子國使君昭代文章伯氣吞雲夢納東
坡心在江湖輕赤壁月波蕩漾春山色崢嶸洲草芊
芊碧政平訟簡暇居多杖屨逍遙神自適到眼風光
看如畫罨畫溪千舊遊者高亭矗立畫不如坐歎雲
屏自天寫使君好客非春申一憂已足無餘人哦詩
五百盡清警立使江山景物新江山景物古來有前
賢相與天長久近來百草漸埋沒賴有此詩為一副
使君好善人如已後板巾箱波遠邇良如何獨此麻
城天下行間為商起我拘官禁儻杭葦跋望亭高衣
帶水高唐想像賦神遊游客言詩詩信美空書從學穆

清風得見異書人見同解嘲不用潘邠老只在先生
指顧中

永嘉行

夷甫清談平子醉晉俗浮虛喪長節義不閑胡虜哭桑
林九伯五侯無一至洛陽宮中胡馬嘶晉家天子行
酒卮驅出如羊晉卿士婦辱向前爭敢知胡兒居坐
漢官立不許紛紜但舍泣舍刃如頸上始知憂追悔前
時又何及胡塵坐起昏中土人死如麻骼如阜草萊
萬里無舍烟擅帳羊裘自来去烏合旗霧胡笳咽無
援邊城斷腸絕琅琊匹馬竟浮江弃寘存心堅片鐵

天驕一坐昭陽殿九鼎遷移如轉電禁聲不得悲楚
囚白版金陵謾龍變數竒督運淳于伯誅斬無名血
流逆若思不識是何人却使帥師臨祖逖

雪中送客寒溪堂

前年送客寒溪堂桃李璀璨寒生光今年送客寒溪
道滿望六花形欲槁前歲今年時不同同為送客寒
光中寒光山積都相似誰信冬春長有此廣寒宮殿
不勝寒世界瓊瑤無乃是如何名此作寒溪炎天風
色鎮淒淒不緣送客不易到送客情懷將可為君不
見瑤池高宴非不竒穆王猶自賦吾歸

可憐

可憐甌越湖山主厭向黃紬聽衙鼓鬪鳴能言名自
呼子規歸去啼聲苦傷情鷓鴣雁却離羣適意馴猫哺
相乳端是三年貧客官方春定得離南浦

假山次葉師文韻

大隱城居無世喧疑星塵外非人間武都聊試五丁
力一笑天公為解顏翠蘿散作麻姑髻枕漱從宜長
飯毳青山元自野人物版築徒然飾東第無論千假
須一真坐對北山南起雲一丘一壑丈夫事安在窮
遊探古文平生樂處天其假還視王公猶土苴它時

買山歸敝廬定須作屐隨高下

蘆花

秋風摘索鋪寒雪敗葉枯條互明滅淡蕩閑塘搖夕
搖橫斜斷岸凌高節無言吐吐日書空執禮拳拳意
綿絕望極攪輸鋪糾結漁歌何處散淒切

柳絮

駘苔蕩風光將欲暮柔條繫日縈非霧寂歷閑庭芳草
路眉開青眼多情度脉脉依依愁不如欲翔未定遑
容與體輕委蛺蝶韶華去飄泊晴天離又聚高低上下
當何住捲春匪蹴球先赴小院深沉鋪月素卿雲暗

逐凌波步撲椒追隨無定處冰霜峭覺回寒沍梁王
有客能辭賦滄涼雪苑知誰訴浮玉神山攻寶璐屑
屑虛花奈憑據還思道蘊驚人語

香棠

舊說海棠無香惟昌州海棠有香驗之蜀
道信然以為不易之論樂園有棠三本其
花亦香乃知非蜀棠獨香香棠自有種耳
世間元有無窮恨海外棠花宮錦爛燒炙東風春未
半濃裝獨立情繚亂博山鑪冷沈烟斷記語洛妃池
側畔桂衣透濕飄香汗舞罷霓裳高燭看吳苑散花

灘彼岸亦有當初舊遊觀棠梨古迳霞光燦薔薇露
冷衣新盪袖卷燕支紅入腕噴人蘭芷芳都貫天然
種性珍奇玩嶺海誠知煎可爨擬擷柔柯燃熾炭裹
取緗中永傳玩它年留得重公案

艮齋先生薛常州浪語集卷第十

聖